

Аамшг уга техникин зокал эвдлгынлэ чанъгъар ноолдхмн

Хама болв чигн производствд кōдлдг улс саг угагъар цогц махмудтан шав-сөрв бичэ автха, бичэ шалтглтха гидж теднэ кōдлдг орм дигтэ-дара-та болх зōвтэ, кōдлджэх саамла харшлх юмн уга болх зōвтэ. Дакад болхла, колхозмудин, совхозмудин ямаран болвчн механическ мастерскойин, цуг предирятысьин гардачнр аамшг уган техникин зокалг дун уга кӯцацхэх зōвтэ.

Кемрджән деер келгдсн тоотиг эс кӯцацхлэ, производствд кōдлджэх улст шав-сөрвлэ харгъх, зәрмдән нам ам-арн шордх аамшг учрна. Улгүрнь, Западн района «Южный» совхозин тракторн бригадт кōдлдж йовсн прицепщик газр хагълдж йовсн трактор хӯладжэгъад унтад, түүнэ плугин төгэд дāvргддж үкв.

Хагълдж йовх газр деер суух, унтх зōв уга, кемрджән амрх болхла, шишлнъ темдг тавсн газрт амрх зōвтэ гидж аамшг уган техникин зокалд бичэтэ бāәнэ. Шүүгъад хālэснд, тиим шишлнъ газр эс гаргъгдсн бāэдж, аамшг уган техникин тускар трактористнр дунд сāәнār цāалгъвр кегдсн уга, деер келгдсн прицепщик болхла,

терүнэ тускар цур меддг уга бāэдж. Дакад болхла, совхозин директор терүг прицеппчикд приказар батлсн юмн уга, зинь тегэд кӯч-кōлснэ за-ка эвдлгн болджана. Тракторист эс гидж прицеппчик гисн документ уга кӯн трактористд эс гидж прицеппчикд батлгдх зōв уга гидж аамшг уган техникин зокалд бичэтэ бāәнэ. Эн тоотиг «Южный» совхоз кӯцацхсн.

Эн совхозин механическ мастерской болн ферме шүүдж хālэснд бас кесг дуту-дундс бāэдж. Улгүрнь, станоксин болн механизмин аамшг-тэ халхснъ хашалгдсн уга, мастерской бāэсн гер үвлд кōдлхд белдгдэд уга. Тиим йовдлмуд нань чигн бāэцхәнэ.

«Южный» совхозин директор болн ах инженер кӯч-кōлс харлгннд, аамшг уган техникд онгян эс өгц хāсн учрар деер келгдсн му йовдл гарв гидж келх кергтэ. Эн совхозин кōдлмшт бāэх тиим дуту-дундс мана республикин наадк предирятысар чигн бāэцхәнэ. Тер төлэд аамшг уган техникин зокал эвдцхэдг йовдла чанъгъ ноолда кехмн.

Б. ВАНЬКАЕВ.